



964

kat.komp.

1

Mag. St. Dr.

P

G. 1297.



Page 518j

WILLIAM ST. AUGUSTINE

THROBRI 167

1711

1711


1711

1711

1711

1711

1711



BOLESLAUS,
CHROBRI,

ID EST,

A C E R,

COGNOMINATUS,
REX POLONORUM PRIMUS,
PRÆGLORIOSISSIMUS PRINCEPS,

MEMORIAQUE ET LAUDE PERPETUA
DIGNISSIMUS,

CARMINE HEROICO

A.C. clō lōc LXII. D. XIV. SEPT.

H.X. MATUT.

IN AUDITORIO ATHENÆI
GEDANENSIS MAXIMO


PVBlice


LAUDATUS

A

DANIELE SCHRADERO

JUNIORI, GEDANENSI,

VIRIS
GENEROSIS, PERMAGNIFICIS, STRENUIS,
NOBILISSIMIS,
DN. ADRIANO
Son Der 
GUBERNATORI REGIO MI-
RACHOVIENSI, PRÆCONSULI INCLYT.
GEDANENS. REIPUPL. SENIORI, ET H.T.
PRÆSIDI, NEC NON PROTOSCHO-
LARCHÆ AMPLISSIMO,

ET
DN. FRIDERICO

LAUDATISSIMÆ EJUSD. CIVITATIS GE-
DANENS. PARITER PRÆCONSULI, ATQ.
H. T. PRO-PRÆSIDI GRAVISSIMO,

DOMINIS, PATRONIS,
ATQ. COGNATIS HONORATISSIMIS,
VITAM ET PROSPERITATEM!



964 I.

MAGNIFICI DOMINI, quorum
Respublica curis
Nititur, ac Urbis stat sine labe
salus :

MIECISLAADEN tenuis mea Musa
CHROBRÆUM

Dicere non æquis viribus ausa fuit.
Est, fateor, nostræ non parva audacia
Cliûs.

Cum tanto voluit Principe ferre
pedem?
Ferre pedem voluit tanto cum Princi-
pe : frustra;

Deficit, & longis prævolat ille viis.
Ille volat, terrisq; pedum vestigia lin-
quens,

Arduus in coelû tollit & astra caput.
Heu mihi ! nunc Phœbo, nunc scilicet
arte Magistrâ,

Nûc & Pegaseis cursibus esset opus.
Omnia

Omnia deficiunt, spernitq; vocatus
Apollo,
Nec facili nostras suscipit aure pre-
ces.

LECHEÆ O AQUILÆ, Vestrarum
lampade laudum
Si languent oculi, deficiuntq; mei;
Debilis ad tātum si jam conniveo solē:
Este tamen faciles ad pia vota mihi.
Icariis etiam quādoq; ignoscimus alis,
Et veniam, quam vix promeruere,
damus.

Vos etiam auspiciis, PATRES, succur-
rite Vestris,
Inclyta dum tātī Principis orsa cano.
Sic mea Calliope, Zephyris animata se-
cundis,

Optato cœptum tramite carpet iter.

INCLYT. MAGNIF. ATQ. AMPLIT. VESTR.

ÆTERNO MENTIS DEVOTISSIMÆ AFFECTU

VENERATURUS

DANIEL SCHRADERUS

JUNIOR,

PRO.

PROGRAMMA,
QVO
HONESTISSIMORUM STUDIORUM
PATRONOS, MÆCENATES, FAUTORES,
CULTU, OBSERVANTIA, STUDIO, QVO PAR EST,
INVITAVIT;
JUVENTUTEM VERO, STUDIIS HONESTISSIMIS
DEDITAM
PERAMANTER CONVOCAVIT
JOH. PETR. TITIUS,
ELOQU. ET POET. PROF.

Non omnes arbuta juvant, humilesq; myrica. Itaq; Philo-
rhetores etiam nostri, velut filvis egressi, maximorum in-
terdum Principum adhærere lateri, aulasq; illorum ac pa-
latia, & castra etiam ipsa, animo saltem atq; ingenio, lustrare gau-
dent. Ita CASIMIROS, ac VLADISLAOS, ita CAROLOS
etiam, ac MAXIMILIANOS, atq; alios. Oratione partim solutâ,
partim numeris vincitâ. Nobilissimorum, Florentissimorumq;
industria Juvenum, summâ jam laude apud exteros agentium,
antè descripsit. Putabant illi nempè, tum perutile fore, ac ho-
norificum hoc exercendi genus; tum æqvissimum etiam esse,
tam illustres virtutes, quas obliterari silentio, & velut cum cine-
ribus conditas latere, nefas sit; in lucem aliquando adspectumq;
produci. Eodem nunc animo DANIEL etiam SCHRADERVS,
Junior, BOLES LAVM, Primum Poloniæ Regem, CARMINE
EPICO sibi, ut Poëtæ loqui amant, canendum duxit. Fuisse hunc
Principem excellenti virtute, summâq; animi magnitudine,
hostes etiam ipsi testatum reliquere, interq; cæteros Russi, qui
non aliam eum ob causam CHROBRI, sive ACREM, lingvâ suâ
cognominarunt. Aravo progenitus PIASTO, Patrem MIECIS-
LAVM sortitus erat: in quo complura admiratione digna con-
currebant. Is namq; & ex Sene natus, & oculorum diu lumine
destitutus, præter spem omnium postea, certissimo, ut eventus
docuit, alterius Lucis præfagio, visum recepit. Hic nimirum
est,

est, qui & Primus Principum CHRISTO nomen dedit, & exemplo suo fortissimam Polonorum Gentem ad eandem Fidem amplectendam adduxit, tam memorabili omnium fervore, ut cum verba in Conventibus sacris Evangelica recitanda essent, manu ad aciracem admotâ, partemq; stringentes (qvem morem diu & posteritas tenuit) pro Religione & propugnare se, & mori fortiter paratos ostenderent Equestris Ordinis Viri. Illo genitus BOLESLAUS, Primus Nomine ac Majestate Regiâ eminebat, honorem illum, qvem Patri negaverat Pontifex, OTTONE III. Rom. Imp. conferente adeptus. Occasionem rei præbuerat Pietas optimi pariter ac fortissimi Principis, qui ADALBERTUM, insigni sanctimoniâ Virum, ita vivum coluerat, ut à Prutenis, barbaris tum atq; impiis, summâ immanitate occisi Corpus, pretio, quanto illorum satiari avaritia posset, redimeret, ingenti mox miraculorum famâ. Sed de hoc Principe, ejusq; Virtutibus, ac rebus gestis, plura in *Oratione*, quæ recitabitur, *Metricâ* audientur. Nos Herois laudatissimi Manes vel paucis versibus honoraturi essemus, nisi à Celeberrimo Polonici & Flori, & Pepli Auctore mutuari satius videretur. Sic verò Ille:

Principe major eras, Animo nec Regibus impar,

Cum REGIS Titulos contulit OTTO Tibi.

Se jactent alii natos de Stemmata Regum:

Pulchrius est, Meritis Stemma parare sibi.

AdSCHKADERUM autem Nostrum qvod attinet, magnum ille antea, cum in aliis Argumentis ejus se occuparet industria, domi etiam testem atq; arbitrum habuit: cujus se nunc qvq; lætaturum auspiciis, confidere poterat, nisi aliud interea DEO Opt. Max. visum esset. Qvamobrem si nihilominus & Sibi, & huic, qvod relicturus est, diligentia suæ ac progressuum Specimini Benevolentiam adspirare Amplissimi Auditorii senserit, non mediocri id sibi futurum solatio profitetur. Qvibus ita præmissis, bonâ jam à nobis Legentium, uti confidimus, gratiâ continuabitur DIS-SERTATIO DE QVIBVSD. ADMINIC. L. L. &c.

P. P. A. C. clc lcc LXII. D. X. Sept.

LAUDATIO



LAUDATIO
BOLESLAI CHROBRI.



Eternos Magni titulos, no-
menq; CHROBRÆI
GrandeBOLESLAI, primus
qui regia gessit
Sceptra Polonorum, niveis
quem fama quadrigis
Æthereas super evexit cele-
berrima nubes :

Devoti canimus. Vos! O nunc quotquot adestis,
Magnificâ gravitate Viri, meritisq; colendi,
Atlantes Gedani, tantam qui vertice molem
Fulcitis, Patriæ sanctissima Nomina terræ :
Queis sedet hæc constans animo sententia, sem-
per

In commune bonum vigiles intendere curas :
Delicium populi, Consi, Suadæq; medulla,
Primores urbis, docti pia fulcra Lycei,

A

Musarum

Musarum Patres, venerandi corda Senatus :
Almæ custodes, Assertoresq; Themistæ,
Justitiæ decora, & melioribus anchora causis :
Sanctâ doctrinæ, & morum Pietate verendi,
Pastores animi, Verbum cœleste docentes :
Consulti Astrææ, Juris Legumq; periti :
Tristes Phœbeâ morbos qui tollitis arte :
Gentis Apollinæ jubar immortale, decusq;
Eximiâ virtute Viri, quibus una voluptas,
Ducere ad Aonii præclara cacumina Pindi
Instructam Juvenum, fortissima corda, Phalan-
gem :

Tum quos Pieridum Præses sibi vindicat, omnes,
Quos Genus, & Genius magno commendat ho-
nore :

Et tu venturi, spes ô certissima, secli,
Flos Patriæ, Gentisq; tuæ, numerosa Juventus :
O Auditores Magni, multumq; colendi !
Eja, agite, huic placidi nostro adspirate labori,
Ut ratis hæc audens alto se credere Ponto
Nostra, rudis quâquam, & remis confisa minutis,
Felici semper vento, cursuq; secundo
Optatum tandem possit contingere portum.

GRande Superstitio monstrum, quo dirius
ullum
Non exstat, totum terrarum invaserat orbem :
Per-

Perniciosa suô victrix diffusa veneno,
Undiq; mortales ad vincla domantia mentes
Raptarat, varios diverso tempore vultus
Assumens, nunc arma gerens, nunc sceptrum cu-

lupulæ

Fulta fago, pictos nunc personata cothurnos,
Nunc soccos, Proteô magis & mutabilis ipso.
Mox etenim tigrim, mox assimulaverat agnum,
Nunc violentus aper, nunc tactu noxius anguis,
Nunc sævam dirâ referens cervice lænam,
Interdum rabiem fluctûs imitata marini
Flumen erat, toti minitans dira omnia mundo.
Hujus & infestas experta Polonia vires,
In quâ dum tumidos gerit hæc mala bestia fasces,
Impia sacrilegi crevit contagio cœtûs.
Quid multis? Cœcus per fasq; nefasq; ruebat
Impetus, & vecors peragendi cuncta lubido:
Donec Sarmaticæ Divina potentia gentis
Respiciens misero infectas glaucomate mentes,
Impatiensq; moræ, multûmq; miserta malorum,
Fœda Superstitio quæ secum ferre solebat:

Jam satis est, inquit, vestros componite motûs,
Vos larvæ, cultûs falsi damnata propago.
Non sic Sarmaticas (pudor, heu!) decet amplius

oras

Decipere, & ficto vincitæ velamine frontem
Ducere; divinas non sic eludere vires.

Dixerat: & dicto citiùs, velut agmine facto,
Excessere omnes adytis, arisq; relictis.
Jamq; serenato descendens inclyta coelo
Relligio, teneros primùm dispererat ignes
Plebejos inter, quos sancti fulmine verbi
Tangebatur, patulos ostendens undiq; fontes
Humanæ, Christo duce quæ reparata, salutis,
Largaq; munificâ promittens præmia dextrâ,
Multorum addictas coëpit sibi reddere mentes.
His velut auspiciis, felici sidere, lætum
Privato ulteriùs tollens de pulvere vultum,
Egregiis auctura suum nomenq; Decusq;
Factis Relligio, longè majora parabat.
Ergo Miceslai tum Principis intrat in aulam,
Atq; has ingenuo promittit de pectore voces:
Pulchra Semomisli proles, ô grande Tuorum,
Mieceslae, decus! Gentis præclara Polonæ
Gloria, & imperio semper venerabile nomen.
Barbara te falsi tenuit reverentia cultûs
Hactenus, & crassæ densâ caligine nubes
Errorum, ex oculis lucemq; diemq; fugarunt,
Calica Christiadum Fidei quam dogmata præ-
bent.
Nulla salus regni, prolis spes nulla relictâ est,
Et diram rebus minitantur cuncta ruinam,
Nî tu gentiles properas subvertere ritûs,
Divinasq;

Divinasq; sequi puro pietatis amore
Leges, exuto veteris velamine cultûs.
Ergo age, præteritæ subeant tibi tædia culpæ:
Imelior; pravos tandem deponere mores
Incipe, & exemplum renovatæ ducere vitæ.
Euge, salutiferi corpus Baptismatis amne
Ablue; sit veræ flagrans tibi cura salutis.
Ecce Boleslai Regis pia Gnata Bohemi
Quæ nostras sequitur dudum conversa catervas,
Innupta est, thalamoq; tuo satis apta futura.
Hanc tibi conjugio jungam, propriamq; dicabo,
Si nostris faciles dederis sermonibus aures.

Sic ait: illa suo vix hæcerat ore locuta,
Magna Miceslaus circum præcordia sentit
Tormina, quæ diri movit mens conscia facti,
Ultricem minitans tristi de sede Megæram.
Quid faceret? Resipit: geminas ad sidera palmas
Tendit, & antiquæ confessus crimina culpæ,
Agnoscit spissas animi, lugetq; tenebras.
Mox sanctâ purgat corpus Baptismatis undâ,
Foedaq; Barbaricæ relinquens fœdera tædæ,
Dambroucam ducit, quæ Principe nata Bohe-
mo,

Sincere lucem jam Religionis habebat.

Nec Deus his sanctis pietatis defuit ausis.
Protinus exoritur clarum, ceu munus Olympi,
Sidus, quod magni genitum de semine Mæsci,

Contracti pretium Thalami, mercesq; recentis
Relligionis erat, Patrii spes optima Sceptri,
Nempe BOLES LAUS, cujus jam dicere laudes
Mens ardet, tenui quamvis animante Camoena.

Ast genus, & Proavos, & longas ordine ceras
Ducere non opus est. Cui non ea nomina fando
Jam pridem percepta? Quis est, quem gloria Ma-
gni

Clara Semomisili lateat? quem fama, paternæ
Æmula virtutis, duroq; per aspera clivo
Ad laudem tendens, cunctis interrita dumis,
Sublimem evexit suprema ad culmina rerum,
Sarmaticosq; dedit fasces gestare per oras
Imperii, extinctis quod erat venerabile bellis.
Hic Avus; hunc Magnus, quem diximus antè, se-
cutus

Herois nostri Genitor, qui Mescò vocatur,
Et primus Christum profitetur, primus adorat,
Sceptra vel hoc solo meritis Pietatis amore.
Quid reliquos memorem, quos sanguinis arctior
usus

Innexit, Proavosq; insigni laude micantes.
Vox me deficiat, viresq; diesq; relinquunt
Augustâ è tabulâ genus omne referre volentem.

His dignum sese majoribus esse probabat
Noster, in egregiæ primo mox flore Juventæ,
Quam summis semper coluit virtutibus omnem,
Eximi-

Eximias spargens illustri è pectore flammæ:
Ut non hîc veteris fallant Oracula verbi;
Terrorẽ quondam nemorum, Regemq; fera-
rum,

Degeneres nunquam catulos generare Leonem:
Sed qui natales referant, roburq; Parentum
Magnanimũ, generosãq; incunabula gentis.
Talis & hic noster, modò quem laudavimus, He-
ros

Boleslaus erat, dictus cognomine Chrobri.
Hic contra insultũs vitiorum interritus ibat
Ad magnas virtutis opes, quas ipse paratas
Esse sibi vidit, si, ceu Tirynthius Heros,
Virtutem pulchro sequeretur calle beatam.
Hinc postquam famæ saturum, vitãq; Parentem
E terris lethi sors non mutanda vocarat,
Sola Boleslao spes manserat omnis in uno,
Qui patrium solitis regeret virtutibus orbem.

Dant ergò clavũ imperii, diademate frontem
Cingunt, &, voto cunctorum, dicitur unã
Mente Boleslaus Princeps, Rectorq; Polonæ
Gentis: fit patrii multò dignissimus hæres
Protinus Imperii. Cui concio tota faventis
Acclamat populi, & meritos gratatur honores:
Vivat io! vivat Princeps, quem nostra volebat
Optio, Sarmaticas jamjam sumpturus habenas:
Vivat io! vivat Princeps, qui fausta videtur

Secula

Seclæ Augustæ nobis promittere sortis :
Vivat io ! vivat, nostrarum maxima rerum
Spes Boleslaus Princeps, sortemq; Deorum
Indigetum longo superet validissimus ævo.

Hæc sunt accepti quondam primordia clavi
Læta Boleslai. qui quamvis laude suorum,
Et patrio fasces potuisset jure mereri;
Indignum ducens aliorum incumbere famæ,
Cum collapsa ruant subductis tecta columnis,
Virtutem à tenerâ coluit tener ipse juventâ.
Hâc duce Sarmaticos rectè delectus adibat
Per populi, procerumq; simul suffragia fasces.
Non tamen antiquo quicquam de more remisit
Jam Princeps factus : non illi sceptrâ dedere,
Aut diadema recens fastum ; non aurea, multo
Principibus gestanda viris cum murice, vestis
Mollia tam sanctam discinxit in otia mentem ;
Nec mala regnandi vicit sine lege potestas.
Quamlibet imperium rerum gentisq; Polonæ,
Unius arbitrio totum, nutuq; potenti
Staret, & excelsâ Moderator sede locatus,
Indulgere novo, quantum jam vellet, honori
Liberius posset ; Virtus tamen inclyta mansit
Præfixos intra fines, florere suorum
Nempe volens cultû, populiq; faventis amore.
Quem sibi devinctum dudum sic ceperat om-
nem,

Ut

Ut dubites, Pietas utra sit tibi major habenda,
Principis an Populi, virtus quos inter amorq;
Ambiguos æquo faciebat Marte triumphos.
Qui tenor, & primis Concordia nata sub annis,
Fortunæ optatis semper comitata quadrigis,
Optima felicitis portenderat omina fati.
Ut quando exoriens radios sol ejicit albos,
Esse solet claræ spes haud incerta diei;
Et coëunte suos cornu cùm junxerit ignes
Luna, micat pleno longè perfectior orbe:
Sic etiam quando Concordia dulcis, Amorq;
Principis accendit populum; Respublica crescit,
Et viret, ut pluviis ager irroratus amicis.

Ergo ubi firmatis optato fidere rebus
Imperio parere suo cognoverat omnes:
His lætus multùm Princeps, ad Sacra viriles
Intendit curas; cultûsq; haud immemor ejus,
Quem puer in cunis olim penè hauserat ipsis
Per doctos, clarosq; gravi Pietate Magistros,
Quicquid erat reliquum falso de Numine, tollit.
Quàm multa tibi tunc structa, Polonia, Tem-
pla,

Quàmq; tuæ fidei claro lux aucta sereno,
Quando Boleslaus Dux agminis ipse præibat,
Christiadum sanctâ inflammans Pietate coh-
tem!

Scilicet is fausti & stabilis moderamina Regni

B

Non

Non nisi divino servari posse putabat
Cultu, quæ dubiis aliàs obnoxia fati,
Fracta suâ faciles admittunt mole ruinas.
Ceu produnt Helenæ, Pollucem & Castora, fra-

tres
Cum gemini apparent solitos afferre salutem;
Stellam unam dirum nautis portendere signum:
Sic etiam Sceptri vis atq; potentia sola
Sæpe nocere solet, tristesq; ciere tumultus,
Si non continuo fervens Pietatis ab igne,
Assiduam hanc comitem rebus conjungat agen-

dis.
Quæ dum Sarmaticâ terrarum parte geruntur,
Præsul Adalbertus, sancto vir dogmate clarus,
Eximiis magnus meritis in gente Polonâ,
Illustri, ut perhibent, ductus Pietatis amore,
Ad Prussos adiit, gentem, quæ nescia veræ
Religionis erat, piceis immerfa tenebris.
Quam meliora parans devotâ mente docere,
Crudeli sacras ferro mactatur ad aras.

Hunc ubi sic miserè Princeps pius esse perem-

ptum
(In quo spargendæ fidei spes tanta superstes)
Cognovit, casutam sancti motus acerbo
Præsulis, & magni, dum vixit, semper amici,
Exanimum insigni corpus pietate redemit,

Et

Et patriis magno tumulavit honore sepulchris,
Non sine prodigiis, ut fertur, ubiq; patrat.

Audierat fama hæc: quid enim non audiat

audierat fama hæc: quid enim non audiat illa?

Ociùs hinc volucris vicina per oppida cursu,
Atq; remotorum penetrat pallatia Regum,
Oppressiq; viri jactat se nuntia tanti,
Cujus Sarmaticis corpus tegetur in oris.
Pannonii, & Teucris veniunt, gentesq; propin-

quæ,

Et quas Euxini semoto à littore Ponti

Jussit Adalberti cineres invifere fervor.

Hæc etiam Ottonem, qui nomine Tertius

mundi uxor Ottilia audit,

Induperatorem Aufoniæ tum temporis oræ,

Impulit in fines regni transire Poloni,

Principis, Albertiq; novâ pietate calentes.

Cujus ut adventum prænuntia fama locuta est,

Obvius ad fines ibat cum milite Princeps

Ipse Boleslaus, magnum excepturus Othonem,

Illius & vultûs coram spectare verendos,

Oraq; tam multis cupiens celebrata triumphis.

Interea varius longè latèq; viarum

Strata tegit pannus, positusq; ex ordine multus

Armorum nitido radiabat lumine miles.

Vixq; tuos intrat fines, Posnania, Cæsar,

no

B 2

Ecce

Ecce, Boleslaus magnum veneratur amicè
Ottonem, & Gnesnam ducit comitante cater-
vâ.

Ociùs inde suis urbs sedibus excita, longo
Agmine procedit; magnum miratur honorem;
Introitum celebrant omnes: Gaudentius ipse,
Supremus Præsul; quem nobilis ordo Virorum
Insequitur, lætos tollens ad sidera plausûs.
Sic postquam Gnesnam Cæsar delatus in urbem,
Excepere epulæ tantarum gaudia rerum,
Ductaq; magnificis dapibus lux tota diei,
Clamores inter populi, frontesq; serenas.

Posterus ut primos sparsit Sol aureus ignes,
Alberti spectare volens, adit Otto, sepulchrum,
Dignaq; Cæsareâ largitur munera dextrâ.
Inde redux, summo, quo par, affectus honore,
Excipitur: pulcrâ mittuntur plurima pompâ
Munera, non parvo mirè variata ministri
Turba gregis numero quæ nomine Principis of-
fert.

Obstupuit Cæsar, tantis quid reddere donis
Posset, perpendens secum, populiq; Poloni
Tot meritis: simul & celsas in Principe Magno
Miratus Virtutis opes, dotesq; beatas,
Convocat extemplo Proceres, Primosq; Mini-
stros,
Con-

Consilii longâ dudum gravitate probatos,
Quos his alloquitur facundo pectore dictis:
Multa Polonorum, ut nôstis, de Principe fama

Sparsit, & innumeras volitans pennata per oras,
Ad nostros etiam venit prænuntia fines,
Laude Boleslai resonans, rebusq; peractis.
Sed nullam, aut minimam vix hæc retulisse videtur

Virtutis partem, quæ, longè major in illo,
Majores merita est, quàm nunc queis fulget, honores.

Unde nefas ingens, & inexcusabilis error,
Illum, quem tanto commendat nomine Virtus,
Imperii titulos, fascesq; tenere minores.
Ergo huic Regales mens est conferre secures,
Et dudum meritæ Diadematanectere fronti,
Præmia tot decorum dignissima nempe futura.

Acclamant omnes, Magniq; probatur Othonis
Consilium, & tanto sententia Principe digna.
Hinc ubi sic Procerum votis, sua vota probari
Ille videt: sacras Otto contendit ad ædes,
In quibus ungendus, solito sic more iubente,
Boleslaus erat. Veniunt ad limina Templi,
Quos stupor insoliti meritò stimulabat honoris.
Magnus Cæsar adest: adstat flos nobilis aulæ,

Atq; rei populus cupidus spectator agenda.
It clamor coelo : summo pia ritè feruntur
Tura Deo, cuius nutu res tutior esset.

Tunc mediâ templi Princeps in parte loca-
tus,

Ungitur, & totis stillabant læta capillis
Balsama, Niliaco sudantia Balsama ligno.
Postea sublimi, quam marmor eburq; tegebat,
Impositus sellæ, pulchro Diademate frontem
Cingitur. Hinc illi magnorum insignia Regum,
Purpureas vestes, & Sceptra nitentia gemmis
Otto, piis etiam gestanda Nepotibus, offert,
Atq; Albas Aquilas, signum venerabile regni.

Sic ad regales generosa Polonia fasces
Emersit ! Regis sic Dux sacra jura capeffit !
His igitur dignas memor usq;, Polonia, grates
Dic meritis ; hilari conclament compita voce,
Esse Boleslaum Primum, qui Regia terris
Jura tuis semper memorandâ laude paravit ;
Esse hunc, qui magnæ fecit fastigia famæ
Summa tuæ ; tibi qui sceptrum, diademata, fa-
sces

Promeritus, laudesq; tuas æquavit Olympo.

Nunc mihi, Sicelides (nam vestra hæc munera
(nam vestra hæc munera) Musæ,
Pandite, regali quæ clarus honore Boleslus
Gesse-

Gesserit, & faciles mansuro condite versu.
Ut, quando in summo consistit culmine virtus,
Livor, iners vitium, magnas exsurgere laudes
Impatiens, illi diros immittere sentes,
Tabificumq; solet mordaci dente venenum
Spargere, perpetuus virtutis nempe satelles :
Haud aliter Reges circa, populosq; potentes
Invidiæ versatur onus, nec ferre maligni
Surgentem possunt generosæ mentis honorem;
Et, si fortè aliis major concessa potestas,
Indignè livent semper, ceu quercus Olivæ.
Hæc & Sarmaticum nigrâ ferrugine regnum
Invidiosa lues petiit : non illa Polonos
Majores aliis titulos, non sceptrâ tenere
Ante alios voluit, non sic emergere gentem.

Vix igitur solium Princeps conscenderat, ecce
Dira Bohemorum multis gens effera bellis
Protinus hostis adest, sævisq; agitata procellis
Invidiæ, insultat regno furibunda recenti.
O scelus ! ô monstrum ! Quæ vos dementia cepit,
Pacificas tristi diffindere Marte secures !
Quo ruitis miseri ! rabidos componite fluctus.
Perstant : hostiliq; invadunt omnia ferro.
Nil vox Legati, quem Boleslaus amicum
Mittebat, valuit, generis nil jura propinqui.
Et licet ad pacem mentes spectare putasses ;
Hæc incerta fuit, simulato induta cothurno,

Majo-

Majoris longè fomes vehementior æstis.
Hinc cùm tranquillum sperarent omnia fœdus,
Et diripositum belli sedisse furorem;
En nova Gorgoneo rabies armata veneno
Exsurgit, pacem genti præstare Polonæ
Indignum clamans. Vires, quas antè, Bohemi
Intendunt, ruptoq; ruunt mox fœdere: bellum
Jam recipit flammæ, cheu! miserabile bellum.

Musa mihi causas memora, quid in arma fu-
rentem

Impulerit populum, quid pacem excusserit Orbi?
Scilicet Ambitio, & regnandi dira libido.
Ergo Boleslaus, tantæ fortissimus ultor
Perfidia, justis etiam sese induit armis.
Audierant sævi, famâ præeunte, Bohemi,
Sarmaticas ferro cinctas volitare catervas.
Aufugiunt. Magne suntne hæc miracula mentis?
Vox ubi jam mansit modò jactabunda, Bohemi?
Illa ubi jam Virtus? miseri, quò tenditis? Ecce,
Boleslaus adest: timidum jam sistite cursum.
Ast fugiunt: Aquilam pennâ trepidante columbe
Ut metuunt, unguesq; ejus, viresq; feroces.
Quid faceret Noster, cùm pallidus hostis abesset?
In Patriam miles, nullo certamine factò,
An revocandus erit? Sceleris non ulta manebunt
Nomina? Num tantæ fas sic ignoscere culpæ?
Nondum etenim causæ irarum, sæviq; dolores
Excide-

Exciderant animis : erat altâ mente repostum
Bojemi facinus, veterisq; injuria noxæ.
Consilium capitur: terras intrare Bohemas,
Una Polonorum vox est; hostemq; superbum
Nativis spectare volunt in sedibus omnes.
Præcedit miles; sequitur Rex ipse catervas,
Pro justâ fretus divino Numine causâ.
Regnantem latè populum, gentemq; Polonis
Exitium quondam, & nomen ferale Bohemos
Occupat, & magnis terroribus omnia complet.
Magnanimus Lybicus veluti leo visus in oris,
Insultare sibi cùm cernit cominus hostem,
Subsidit tacitus, totam dum colligat iram.
Mox ubi se sævæ stimulavit verbere caudæ,
Erexitq; jubas, alacri jam fronte propinquum
Aggreditur taurum, nec campum deserit antè,
Quàm victus jaceat laceratis artubus hostis.
Talis & in sævos Rex sumpto Marte Bohemos
Boleslaus erat, stricto quos undiq; ferro
Fregit, & ablatis, victor fortissimus, armis,
Imperio jussit sua subdere colla Polono.
Non congesti illum valli, non oppida muris
Cincta retardabant, non Princeps ipse Bohe-
mus,
Qui frustra occulto trepidans latitabat in antro.
Subdita victrici cesserunt omnia dextræ.

C

Sic

Sic armis tandem captus fuit ipse Tyrannus
Sarmaticis, vitæq; orbatus lumine, foedæ
Poenas perfidiæ, jam Numine vindice, solvit.
Victa igitur Virtute Viri gens barbara, primæ
Materies nova laudis erat, famæq; secutæ.

Post hæc felici superata pericula Marte,
Intima Moraviæ ingreditur penetralia terræ,
Quam sibi perpetuo obstrictam jubet esse tri-
buto,

Imponens populo Regem, cui sceptræ Clientis
Nomine Sarmatici donat, strictasq; secures.

Sed nec post tantos, dextro quos alite, motûs
Composuit, fortes passa est torpere lacertos
Longa quies: posito, summâ qui laude Bohe-

Moraviæq; duces superarat, acinace, rursus
In nova mox stringit certamina fortiter en-
sem,

Russis, quos vehemens dudum discordia fratrum
In varias vario distraxerat impete partes,
Optatam laturus opem, gratumq; levamen;
Et sua, quæ quondam defuncto jura Parenti
In Russos fuerant, repetens felicibus ausis.

Jaroslauus erat, cujus tum Russia diro
Ferme omnis sceptro parebat, & alveus ipse,
Ille Borysthenii, Niepram quem dicimus, amnis.

Hunc

Hunc ubi jam palpo nimum duxisset hiantem
 Cretata Ambitio, perfusaq; gloria fuco,
 Ausus erat Patrio fratrem quoq; pellere regno,
 Kijoviamq; illi (facinus miserabile dictu)
 Eripere, & gazas, fasces, cultumq; priorem,
 Impatiens omnis focii, jurisq; secundi.
 Ergo cum patriis exul Stopolcus ab oris,
 Fraterno coleret peregrinas crimine terras,
 Illico Sarmaticas supplex defertur adoras,
 Auxilium rogitans, lapsis solatia rebus.
 Annuit oranti Rex Boleslaus, opemq;
 Ocius egregio firmatam robore præstat.
 Conveniunt Regni Proceres: moxitur in acres
 Bellorum curas, ultorq; repente per omnem
 Sarmatiam Mavors strepit, & ciet arma virosq;
 Induitur ferro splendor, pars lucida pingui
 Spicula detergunt arvinâ, cote secures
 Exacuunt, fidoq; latus pars cingitur ense.
 Classica jamq; sonant; totis mox Russia turmis.
 Atq; armis petitur. Rex nil cunctatus, ad al-
 tum,
 Fulminis instar, adest Bogum, cui Russicus inde
 Occurrit miles, raptæq; in bella catervæ.
 Hinc pugnæ ineunt, atq; aspera prælia ten-
 tant.
 Mox fugiunt trepidâ Russi formidine, campi

Immemores, in quo pugnassent antè, prioris.
Ipse Jaroslaus, tanti Dux agminis, ibat
In madidâ vitam quærens servare palude.
Hic ubi sic victus patriis excesserat oris,
Rex victor cunctis admotis viribus urbem
Kijoviam oppugnat: quæ ferro pressa, fameq;
Submisit validas, quas ostentaverat, arces.
Redditus est igitur veteri Stopolcus honori,
Atq; ita, qui regno fuerat spoliatus avito,
Sarmaticâ tutante manu post victor id ipsum
Occupat, exilio Fratrem pro crimine mulctans.
Sed mox felici domitis certamine Russis,
Agmina dum patrias repetunt victricia sedes,
(Quâ tener ingentem Volgam tenet Occa fini-
stro
Flumine, ubi pingui Cereris Novigrodia glebâ)
Clam petitur tacitis victor (scelus ecce nefan-
dum!)

Insidiis, mortem diram intentante Rutheno.
Consilii quid erat? Revocatis viribus, illos
Marte Boleslaus repetit, meritosq; Triumphos,
Hostibus ingenti deletis strage, reportat.
Sic debellatis iterum, Rex Maxime, Russis
Ingredieris patriam magnâ comitante catervâ
Urbem. Te longi remeantem pompa triumphi
Excipit, atq; manûs lætæ plausere Tuorum.

Cl-

Clamat io! Populus: Salve, celeberrime Victor...
Servator salve Patriæ, in superabilis Heros.
Non mihi si linguas centum natura dedisset,
Ingeniumq; capax, totumq; Heliconæ; tuorum,
Boleslæ, decus, totus quæ suspicit orbis,
Factorum, dignis olim conatibus æquem.
Tu Ducis officio functus, Tu militis idem,
Tu validos dextro superasti Marte Bohemos,
Tu Russæ toties ultus perjuræ gentis,
Non nisi victrices Aquilas per prælia portas.

Vix Patriæ attigerat fines; & dulcia victor
Arva redux: animos longâ torpere suorum
Desidiâ nolens, mox bello, pigra perosus
Otia, Saxoniam parat ille invadere gentem.
Quæ quondam magnas Heinrico Principe par-
tes

Sarmatiæ, sibi non iustis subjecerat armis.
Hanc ergo infestis properans invadere signis,
Convocat armatam noto sibi robore pubem,
Sanguineumq; parat tremefacto Saxone bel-
lum.

Ut venit, vidit; gravis hostes occupat horror,
Inq; suos abeunt lucos, & inhospita tesqua.
Hinc ubi, qui contrâ se ferret, nemo dabatur,
Saxoniam latè terram populatur, & omnem
Exhaurit variis, bellantum more, rapinis,

Innumeras abigens pecudes, ac igne superbos
Corrumpit, nullo contrà nitente, Penates.
Ponit & in medio fulgentes ære Columnas
Flumine, Virtutis quondam monumenta Polo-
næ.

Post hanc perdomitam, vix ullo sanguine,
In Prussos facti stimulat vindicta nefandi
Sarmaticum populum. Circum præcordia triste
Versatur lethum, quod diximus antè, verendi
Præfulis Alberti, quem gentis dira Prutenæ
Innocuum rabies immani cæde necarat.
Hanc subitò, fortes cogens in bella maniplos,
Boleslaus adit, muris atq; aggere septas,
Romovam, & Balam, & Razinum, subicit ar-
ces,

Desertas timidis magno terrore colonis:
Quas jubet injectis deletas perdere flammis.
Interea Prussi, magnus quos horror opacis
Abdiderat sylvis, & densis ilice lucis,
Omnia per tacitas cernentes scilicet umbras,
Supplicibus tutam, posito certamine, pacem
Sollicitant precibus, spondentq; offerre tribu-
tum.
Vocibus his motus tandem, precibusq; rogan-
tum,

Bo-

Boleslaus init pacem, foedusq; quietis
Perpetuæ pangit. Mox inviolabile pignus
Additur, atq; Fides per sanctos vera Magistros
Traditur. Hinc oritur magni lux clara Jehovæ,
Divini lituo verbi clangente, fidemq;
Paulatim accipiunt Prussi, Christumq; secuti,
Pòst melius sapere incipiunt. O bella beata,
Quæ tam felici concludunt omnia fine!
Nulla dies tantum, quamvis longinqua, tuorum,
Boleslae, jubar meritorum, nulla fugabit
Ætas, tam sancti nomen venerabile Regis.
Non repetam victos iterato Marte Ruthenos,
Non alios dicam populos, terrasq; subactas.
Lata quies sequitur tandem, Janumq; bifron-
tem

Claudimus: imposita est sævo manus ultima
bello.

Sed fuit ut Bello Noster, sic Pace celebris.
Quis referat, quanto studio res gesserit omnes,
Sæpè etiam vigiles solitus perducere noctes,
Ut fartam patriæ posset servare salutem,
Cui totum sese dederat, pro cuius honore,
Immemor ipse sui, semper vigilabat, & aris.
Hinc sibi Consiliis bis sex adjunxit habendis
Egregiâ gravitate viros, genioq; potentes:
Qui tenebris alto discussis pectore, possent

Con-

Consulere in medium, rebusq; affundere lucem.
Ille suum verò Patriæ consuêrat amorem
Hoc etiam sanè memorando promere dicto:
Sese vescentem gallinâ, malle tueri
Cives, quàm lautis segnem pinguescere mensis.
Prætereo varias, quas ædificaverat, urbes,
Prætereo innumeras, pulchrè quas condidit, ar-
ces,
Et quæ plura aliis forsan memoranda relin-
quo.

Sic tandem Princeps curis confectus & annis,
Indictò Gnesnæ conventu, regia confert
Sceptra Miceslao, patrii qui muneris hæres
Optatis caperet rerum moderamina fatis.
Ergo ubi lustra decem vitæ, & bis quatuor annos
Egerat, ingenti defessus mole laborum,
Cœlestem quærens requiem, sedesq; beatas,
Boleslaus obit, leni sua lumina somno
Componens, rerum lustris jam quinq; potitus.
Hanc vitæ nactus finem est: hic terminus illi
Obtigit: hæc tandem gestarum linea rerum.
Corpus Posnanix sanctâ requiescit in urnâ,
Quæ caros condit cineres: sed fama perennis
Pervolat immensum, quacunq; is panditur, or-
bem,
Orbem quem magnis compleverat undiq; factis.
Huic

Huic tantum debes devota, Polonia tellus,
Quantum unquam soboles potuit debere Pa-
renti.

Hic tibi Regales felici fidere fasces
Contulit: hic victos cepit cum Rege Bohemos,
Et Moravos, Prussosq; simul, Russosque rebelles
Perdomuit, terrasq; tuis subjecit habenis.
Huic magno Patriæ Patri succedere Reges
Coepere Augusti; sceptrum à quibus ordine
sancto


JAN-CASIMIRUS habet, nostro venerabilis
ævo.

Cui sic felices votis flagrantibus annos
Nostra, licet tenuis, ceu fas est, Musa precatur,
Magne Jagellonidum Sangvis, dilecta Tonantis
Cura, & Sarmatici supremum Lumen Olympi,
Fortunæ invictum pectus, CASIMIRE, Poloni
Spes Sceptri super una, jubarq; illustre Tuorum;
Cui pia fama sacro viridantes vertice laurus
Donat, & æternis inscribit nomina cedris:
Vive diu felix, Aquilâ portante trifulcos
Ignes; Herculeos, quos perfers, vince labores,
Harpyias semper diras, gentesq; rebelles
Frangere, Leonino fortissime robore Princeps:
Victor ut innumeris possis gaudere Triumphis,
Et vigeat, vernet, crescat, TE REGE, Polonus
Orbis, & optato consummet secula cursu.

D

Prussia


Prussia sic etiam, sic Dantiscana vigebit
Urbs quoque; sic lætis florebunt omnia palmis.




EPITAPHIUM.
BOLESLAI CHROBRI,
REGIS POLONIÆ,
IN ECCLESIA CATHEDRALI
POSNANIENSI HUMATI.


Hic jacet in Tumba Princeps, gloriosa Co-
lumba,
Chrobri tu es dictus, sis in ævum benedictus.
Fonte sacro lotus, servus Domini puta totus,
Præcidens comam septennii tempore Romam.
Tu possedisti velut athleta Christi,
Regnum Sclavorum, Gottorum seu Polonorum.
Cæsar præcellens à se Ducalia pellens,
Plurima dona sibi, quæ placuere tibi,
Huic detulisti, quia divitias habuisti.
Inclyte Dux, tibi laus, Serenissime **BOLESLAE,**
Perfido Patre natus, sed credula Matre.
Vicisti terras faciens bellum quoq; guerras,
Ob famam bonam tibi contulit Otto Coronam,
Propter luctamen sit tibi salus. Amen.

VIDE SIM. STAROVOLSC. MONUM.
SARMATAR. pag. 447.





Biblioteka Jagiellońska



stdr0009523

